

29898

27

學銓題稿

卷十九之二十
舉劾違例



掌銓題藁目錄

卷之十九

申飭朝覲考察重典以勵庶官疏

覆科道拾遺方面官疏

覆南京科道叅劾冒濫京堂疏

卷之二十

議處都御史吳時來舉薦太濫疏

叅總督陳其學薦舉違例疏

叅巡按御史王君賞舉劾違例疏

叅巡撫熊汝達舉劾違例疏

叅巡按御史楊標舉劾違例疏

議處督撫等官劉應節等薦舉違例疏

叅巡撫都御史何寬等舉劾違例疏

掌銓題藁卷之十九

申飭朝覲考察重典以勵庶官疏

頃該南京科道官王楨王嘉賓等題前事

內一款嚴旌飭之典以昭勸懲該本部議

覆今次考察畢日查將卓異貪酷之尤者

各數人疏名上

請賞則卽照舊典公之朝堂量行宴賜以昭其

寵罰則除

誥勅免追發之撫按嚴行究問以盡其辜不係

來朝及聞報逃回者轉行各撫按官一體
獎賞追問等因題奉

聖旨依擬行欽此又該吏科都給事中韓楫等
河南等道掌道事浙江道監察御史孫丕
揚等題爲陳庸見以贄大計事內一款均
貪酷之罰該本部議覆貪酷均爲民害近
該大學士陳以勤議及懲貪與刑部尙書
葛守禮題乞禁酷俱經部院覆行欽遵去
後今科道官復議及此委應着實舉行本
部考察畢日訪有貪殘之甚者奏行各撫
按查照新例究遣等因奉

聖旨依擬行欽此欽遵臣等今將各處賢能卓
異及貪酷異常官員會同詳議查得按察
使等官楊綵等俱廉能卓異知府等官徐
必進等俱貪肆之甚通判等官畢効欽等
俱酷烈之甚逐名開坐上

請應 宴賞者乞

勅禮部照例酌量舉行內有不係來

朝者聽該首領官領給應提問者不拘見任
逃回通行各該巡按御史提問具

奏再照賞罰乃勸懲之具所係甚重然天下
之治績尙多而一時之詢訪難徧今日所
舉數臣不過卽一時所知以行激勸非謂
遂盡天下之賢能也其詢訪未及者續訪
趙擢固不可以未與

盛典而弛其官常其已蒙

宴賞者當益勵堅貞以仰酬寵異尤不可以旣
與

盛典而改其晚節有一于此仍加查治至于提
問一節往年亦曾行之每見撫按諸臣徇
私市恩延久不報有失

朝廷徵奸之意合無今次將見任者的限文
到三月以裏回籍者的限文到半年以裏
俱要依期間結回

奏過限不到聽本部該科叅降併容臣等通
將以前提勘未報各撫按查催分別罰處

度法令必行臣工知警等因隆慶五年正月
月初十日題十二日奉

聖旨是楊綵等既賢能卓異依擬宴賞徐必進
等貪酷異常都革了職爲民仍行各該巡按
御史提問具奏

覆科道拾遺方面官疏

該吏科等科都給事中等官韓楫等雲南
等道掌道事廣西道監察御史趙可懷等
各題稱大計吏治

國家重典茲當考察之後不無漏網之奸臣
等例應拾遺謹卽見聞之眞者爲

皇上陳之訪得浙江按察使曹天祐甘心媚邪
故勘忠賢矧精力憊衰操守又壞誠宜首
斥福建右布政使周賢宣汰侈已甚貪肆
歷聞盈一已谿壑之私貽兩省剽焚之慘
廣東按察使余敬中志識卑庸心術險刻
贓罰盈囊奇器滿載江西右布政使劉爝
性特暴戾行更貪淫庫官爲腹心尅扣靡

厭驛丞拔鬚鬚殘虐有聲副使馮叔吉志
在肥家癖于好貨鹽船掛號大肆誅求吏
農納班盡行浸沒銀池州之訖非誣皮紙
籬之謠有據河南副使陳忠翰恤刑晉省
最稱貪橫供應日折數金贄儀屬各四紬
假脩司急圖歸裝盡屬郡括解罰贖湖廣
副使黃錄標格不高法紀欠振貪聲夙著
於皖守憲體盡壞於楚藩四川右布政今
丁憂王道行類本螟蛉心同梟獍惡生父
之認已杖親兄于立斃守蘇郡扣織造羨
餘數千查軍衛受指揮分例三百背本無
親居官不法山東僉事蹇達筮仕祥符頗
沽聲問歷官儀制漸肆疎慵查對名封動
淹時月看詳冊疏每至遺謬以上諸臣均
爲有玷冠裳清議所不容者乞將曹天祐
周賢宣余敬中劉玠馮叔吉陳忠翰黃錄
王道行卽

賜罷斥蹇達始留降用等因俱題奉

聖旨吏部會同都察院考察來說欽此欽遵通抄到部臣等會同都察院左都御史葛守禮等看得科道論劾浙江等處按察使等官曹天祐等各不職乞要罷斥降用各一節爲照各官近該臣等會同考察之時亦曾查有物議但事跡未明未卽議處今該科道官訪實論劾前來相應再議查得曹天祐周賢宣奈敬中陳忠翰王道行行虧才劣委難再留劉烝等心行雖有出入才力尙堪驅策合無將曹天祐周賢宣奈敬中陳忠翰王道行俱照不謹例冠帶閑住其餘俱照才力不及例內劉烝從重降用馮叔吉蹇達量行降用黃綜量調簡僻遺下各缺另行推補等因隆慶五年正月十五日會題十七日奉

聖旨是曹天祐等着冠帶閑住劉烝降二級馮叔吉蹇達降一級黃綜調用

覆南京科道官叅劾冒濫京堂疏

該南京戶科等科給事中張煥等奏稱朝
覲考察不職者雖經處分然尙有不及者例應
糾論訪得通政使司右叅議宋訓貪淫不
檢基趾弗端原任延綏巡撫都御史今丁
憂何東序心同狼虎行類鴟梟乞行罷斥
以警官邪等因又該南京廣西等道監察
御史李紹先等奏稱宋訓行檢卑污有玷
官箴江西巡撫都御史李一元心術奸險
才力疎庸乞將宋訓罷斥李一元量行降
調等因俱奉

聖旨吏部知道欽此欽遵爲照何東序狡詐慘
毒任巡撫全無善狀李一元卑污庸劣處
卿佐未愜人心相應議處其所論宋訓賊
私數多兼有娶娼等事若果是實則是貪
酷異常行止掃地其罪尙有不止于罷斥
者須見的確乃可議處合候

命下將何東序姑准致仕李一元降調外任宋
訓先令回籍其所劾事情行各該巡按御

史作速勘明具

奏定奪遺下員缺另行推補等因隆慶五年

三月初四日題初六日奉

聖旨是何東序着致仕李一元降一級調外任

宋訓回籍聽勘

掌銓題藁卷之十九終

掌銓題藁卷之二十

議處都御史吳時來舉薦太濫疏

該吏科都給事中光懋等題稱臣等待罪

該科例得參詳章奏接得提督操江南京

都察院右僉都御史吳時來舉劾有司官

員一疏濫至五十九人其稱賢能卓異者

寧國府知府鍾一元等三人也稱賢能任

淺者常州府知府郭文輔等一十三人也

正薦則鳳陽府知府周汝德等三十七人

不爲不多矣如兩淮運同陳觀衡者遷任
二年之後亦得與見在地方者同薦乎附
薦則松江府知府袁貞吉等三人若謂其
業有成績矣如廬州府同知鄧一相等二
人既自謂之歷任尚淺也亦得與久任年
勞者並稱乎至於糾劾止得離任知縣一
人在任知縣一人似又不得已而爲塞責
之計不然何其所屬賢者之多而不肖者
止寥寥一二也臣等未卽暇論其他先是
接得總督漕運兼提督軍務巡撫鳳陽等
處地方戶部左侍郎兼都察院右僉都御
史趙孔昭會同巡按直隸監察御史蔡應
揚特本摘論淮安府知府黃國華謂其庸
劣廢政蠱壞已極而吳時來之疏則稱其
抑浮裁冗扶傷恤困彼固一人也而賢否
頓殊若此卽國華推之五十八人之中抑
豈無魚目混珠者參於其間耶形迹自徇
於異同市恩更犯乎明禁例屬有違法當

叅論伏乞

勅下該部將具時來量調外任以爲徇私濫舉者之戒再照舉劾所以準用舍而疑似者不與焉近時章疏率先將陞任年淺不應保舉者撥名於前及將離任年久與丁憂回籍者附名於後雖視正薦不同而要之市私恩之意則一也再乞

勅部中申飭各該撫按之官除禁止其濫薦外不許照常撥名題薦離任地方之人亦不許附名漫及仍有執循舊套者許臣等叅奏則賢否曉然易見雖有欲市其私者將限於定例而不敢矣等因題奉

聖旨吏部知道欽此欽遵抄出送司案查嘉靖十七年十一月

詔書內一款近時各處撫按官舉劾官員賢否極爲泛濫往往先將陞任年淺不當保舉者撥名於前每舉不下數十人一人保語不下數十字及奏舉遺閒則盡境內之人

前書薦剡公私心迹覽疏較然吏部不以爲非都察院不考其過以致賢否不分舉錯倒置今後敢有仍前濫舉甚至當劾而舉當舉而劾及撫按官舉劾異同者該科不行糾奏一體究治欽此又查得嘉靖十九年四月該本部題覆爲公舉刺以昭勸懲事節奉

世宗皇帝聖旨近年撫按舉劾泛濫部院不正其非及詔書禁革又不遵行奸生玩法王德溢王獻芝姑從輕調外任用欽此又查得嘉靖二十八年三月該御史劉時進薦劾官員共四十五人本部覆奉

世宗皇帝聖旨劉時進故違詔旨舉劾泛濫多至數十人市恩徇私好生玩法本當拿問重治姑從寬着降二級調外任用欽此又查得嘉靖四十一年五月該吏部等衙門會題爲懇乞

聖明申

禁例正風紀以昭勸懲治道事節奉

世宗皇帝聖旨是近年各處撫按官舉薦太濫市恩徇私以致賢否失實今後再有違例濫薦及舉劾異同的該科指名叅治王納講降二級調外任用欽此又查得嘉靖四十三年五月該總理河道都御史王士翹舉薦違例錯謬吏科叅奏該本部覆奉

世宗皇帝聖旨是王士翹着致仕欽此除行欽遵外今該前因通查案呈到部看得憲臣薦舉之典所以進達賢材激勸吏治關係甚重又該節年題奉

欽依法例甚嚴尤宜遵守乃近來薦舉章疏往往人數過多及有將中才與丁憂陞任任淺等項假以附薦併薦名色濫載疏中者且如近日議處潘臬之長本爲汰去老疾原題明開如一省全無一人止令具由回奏曾未令其薦舉也乃今於老疾者通不處分却只紛紛保薦煩瀆

天聽是沙汰之舉反開假借之門各爲黨比徒
市恩私以致賢否難憑黜陟無據其當釐
正久矣今都御史吳時來不論任淺陞任
薦至五十九人其濫已甚况知府黃國華
才思遲鈍難堪繁劇人皆知之撫按官趙
孔昭蔡應揚會同論劾輿論稱當本官亦
列薦中旣違條章復相矛盾市恩徇私之
弊顯然可見風憲重任委有不堪旣經該
科論列相應議處合候

命下將吳時來量調外任以警將來其舉劾抄
詞立案不行如所劾二官持已果壞公議
難容不妨彼處撫按官訪實再奏仍移咨
都察院轉行各處撫按衙門今後務遵節
題事例除卓異資深者照舊疏薦外其陞
任行取并歷俸年淺者不許一槩列名以
市私恩薦語務要簡明精確據事直書不
得仍舊連篇累牘牽連對偶反掩情實文
書到日悉要着實舉行再有違者聽部院

及該科叅奏處治等因隆慶四年五月初
二日題初四日奉

聖旨員時來着調外任用近來撫按官委的舉
薦太濫徇私市恩有乖憲體今後再有這等
的重治不饒

叅總督陳其學薦舉違例疏

該總督宣大山西等處地方軍務兼理糧
餉都察院右都御史兼兵部右侍郎陳其
學題稱邊聯三鎮寇在門庭綢繆牖戶之
計全在有司臣待罪地方隨事稽驗咨訪
頗真今茲離任謹循例爲我

皇上陳之除太原府同知王世康代州知州葉
路新宣府東路管糧同知劉光大保安州
知州稽巔已先薦揚不敢再舉外訪得大
同府知府程鳴伊平陽府知府呂鳴珂潞
安府知府王宮用添註太原府同知管承
寧州事李春芳大同府推官張簡平陽府
推官劉魯蒲州知州許希孟忻州知州雷

大壯澤州知州顧顯仁曲陽縣知縣袁魁
榆次縣知縣王應辰大同縣知縣田子堅
臨汾縣知縣陳萬言襄陵縣知縣史思敬
洪洞縣知縣王詔曲沃縣知縣楊時寧翼
城縣知縣劉竟成臨晉縣知縣史那直安
邑縣知縣袁弘德聞喜縣知縣文作稷山
縣知縣孫侂襄垣縣知縣党馨以上諸臣
職任雖有崇卑均之廉勤公謹所當薦揚
者也平陽府通判脫鎬應州知州傅延耆
此二臣者治行各異客氣均偏所當調處
以示曲全者也如蒙乞

勅吏部再加查訪如果臣言不謬將程鳴伊等
循資擢用脫鎬等亟行調處等因奉

聖旨吏部知道欽此欽遵抄出送司案呈到部
看得總督宣大山西等處地方軍務兼理
糧餉都察院右都御史兼兵部右侍郎陳
其學舉劾前因欲將知府程鳴伊等擢用
通判脫鎬等調處各一節除程鳴伊等案

候外其脫鎬等原無他過止緣禮儀山禁等事致與叅總官不和委難共處相應依擬合候

命下將脫鎬傅延者起送赴部調用遺下各員缺卽行銓補再照舉薦太濫屢有嚴禁近該吏科都給事中光懋等題爲憲臣濫舉市恩自相違背乞

聖明究處以正風紀以警將來事該本部覆奉聖旨吳時來着調外任用近來撫按官委前舉薦太濫徇私市恩有乖憲體今後再有這等的重治不饒欽此已經備行各撫按官以後除卓異資深者照舊疏薦外其陞任行取并歷俸年淺等項不許槩列市恩悉令着實舉行去後其遠方或未可到而隣近省分實所明知乃今總督陳其學疏內首稱同知王世康劉光大知州葉露新稽顙已先薦揚不敢再舉雖非提保然旣薦之後仍復列名亦係有違

明旨若不查究誠恐其漸一開將來仍復濫舉
明旨畢竟不行但詳其事出差錯非有別情姑
難重擬合無將陳其學量加罰治以爲將來
來之戒乃可以見賞罰之必信乃可以使
政令之必行以後如有故違者容臣等查
叅重究至於舉劾章疏并乞著爲定式殊
語之下不必鋪叙繁文只稱某差已滿例
當舉劾訪得某某賢能有何政績所宜薦
揚某某不職當斥或老疾不及當致仕調
用所宜糾劾如此而止非但陞任俸淺等
項當遵前
禁卽所當久任亦不必有通候

命下移咨都察院轉行各總督撫按衙門一體
永遠遵行庶使事體歸一考覈有據等因
隆慶四年六月十八日題二十日奉

聖旨是陳其學罰俸一箇月今後撫按官舉劾
章疏都照所定體式行有故違的你部裏叅
來處治

叅巡按御史王君賞舉劾違例疏

該巡按陝西監察御史王君賞題稱奉

命巡歷茲當事竣謹將各官賢否據實陳之除
右布政曹金副使張守中先已保薦副使
王漸已經論劾及陞任已久履任方新者
不敢槩舉外訪得布政司左布政使栗永
祿右叅政馮舜漁按察司副使范懋和張
一壽僉事栗魁周以上諸臣均爲藩臬之
良所當薦揚者也原任副使今陞浙江叅
政曾省吾丁憂副使李臺此二臣者離任
未久政績夙著仍應併薦者也又訪得固
原兵備副使張昇惡跡顯著似當罷斥者
也乞將栗永祿等循資擢用張昇亟行罷
斥等因又該本官題爲舉劾有司官員以
昭勸懲事除知府邵峻治行超卓已經特
薦通判王堯弼等貪污不職已經論劾及
政績有成已經陞取賢能任淺已經禮待
者不敢槩舉外訪得鳳翔府知府黃翼平

京府知府錢進學西安府同知蘇璜延安
府推官梁承學鳳翔府推官齊仲賢商州
知州陳璫渭南縣知縣梁許咸寧縣知縣
賈待問涇陽縣知縣楊歸儒長安縣知縣
薛綸洛川縣知縣韓必顯洋縣知縣閻邦
寧以上諸臣職任賢能均當薦揚漢中府
推官杜從易同州知州陳擘華州知州王
汝梅此三臣者治有成效相應併薦又訪
得蒲城縣知縣呂宗儒貪酷著聞所當罷
斥郃陽縣知縣李希松物議交騰相應量
調乞將黃翼等循資擢用呂宗儒罷斥李
希松調處等因俱奉

聖旨吏部知道欽此欽遵抄出送司除薦舉官
員付文選司另行外查得知縣李希松已
陞

晉府審理正查呈到部看得巡按陝西監察
御史王君賞論劾前因欲將固原兵備副
使張昇蒲城縣知縣呂宗儒罷斥郃陽縣

知縣李希松調處各一節爲照知縣李希松先因考語平常已經擬陞審理正見係閑散無容再調副使張昇自守衛輝以來考語素稱清謹今乃以賊被論恐年近衰頹事疎防檢致干清議知縣呂宗儒少年恣肆物論久騰旣經巡按御史叅劾前來相應酌擬合候

命下將張昇照年老事例致仕呂宗儒照貪酷例爲民遺下各缺另行銓補再照與劾疏內不許濫叙陞任丁憂任淺已薦等語節該本部覆奉

欽依嚴禁及將總督陳其學御史潘民模罰治訖今御史王君賞兩疏首叙右布政等官曹金等西安府知府邵峻等已經保薦及陞任副使曾省吾丁憂副使李臺復列正薦俱屬濫叙市恩有違法禁但念地方頗遠或出不知似應姑照潘民模事例量加罰治以後如有明文到日故違者俱照新

奉

欽依事理叅治等因隆慶四年七月十一日題

十三日奉

聖旨張昇着致仕呂宗儒爲民王君賞姑罰俸
一箇月

叅巡撫熊汝達舉劾違例疏

該巡撫廣東地方兼贊理軍務都察院右
副都御史今改巡撫浙江熊汝達題稱臣
待罪巡撫責任激揚而各官賢不肖之最

者聞見頗真茲當叨轉離任敢不次第而
陳之訪得潮州府通判今陞臨江府同知
楊肇陰險貪汙惠來縣知縣施學麤鄙貪
饕俱罪狀顯著均當罷斥內楊肇尤爲衆
惡所歸似應仍行提問廣州府同知常若
愚志荒行詭臨事推避所當降調或令致
仕德慶州知州戴汝愚遇事周章陽江縣
知縣鄧之梅才力庸薄俱應調簡龍門縣
知縣殷乾年力已衰普寧縣知縣李廣圖

學不通方均應改教等因奉

聖旨吏部知道欽此欽遵抄出送司查得本部見行事例凡官員貪者爲民才力不及者酌量調用又查得近奉

欽准事理凡官員犯有贓私者務行提問的實名下贓數盡行追併入官又查得潮州府通判今陞臨江府同知楊肇于隆慶四年三月內原以通判報逃廣州府同知常若愚先該巡按御史楊標題叅該本部覆奉

欽依改調簡僻訖通查案呈到部看得巡撫廣東右副都御史今改巡撫浙江熊汝達論劾前因爲照各官被劾事情俱出有因內通判楊肇雖已逃回豈容止於罷斥同知常若愚雖經議調未足示懲相應一併議擬合候

命下將施暉照貪例爲民常若愚等俱照不及例起送赴部內常若愚降調閑散戴汝愚鄧之梅量調簡僻殷乾李廣圃改授教職

其楊肇迯回原籍咨行福建巡按御史着
落該府縣官嚴提解赴廣東巡按衙門究
問賊私下落依律追遣具奏各員缺另行
銓補再照舉劾疏內不許濫叙陞任任淺
已薦及殊語後繁冗等語已該本部題有
嚴禁今巡撫熊汝達首叙知府李渭等已
經會薦叅論等語明違禁例本當照依題
奉

欽依議處但念地方隔遠或尙出於不知似應
量加罰治以後如有明者到日故違者俱
照新奉

欽依事理從重叅究等因隆慶四年八月十一
日題十三日奉

聖旨是施學着爲民常苦愚等依擬調改楊肇
巡按御史提問具奏熊汝達罰俸三箇月
叅巡按御史楊標舉劾違例疏

該巡按廣東監察御史楊標題稱_三歷已
滿敢舉所得賢不肖之尤者循例陳之除

韶州府知府李渭肇慶府知府熊倬賢能
考滿已經會疏保留廣州府知府戴科等
朋計逼死職官另本叅究外訪得潮州府
通判今陞江西臨江府同知楊肇石城縣
知縣涂光裕俱貪婪不職貽害實多相應
革職仍行提問惠州府通判陳廷觀廣州
府通判呂希望惠來縣知縣施呶平遠縣
知縣陳廷式俱官守大壞相應罷斥高明
縣知縣陸仁樂會縣知縣邵世光乳源縣
知縣洪淇俱才識昏庸地方無補相應改
教等因奉

聖旨該部知道欽此欽遵抄出送司查得本部
見行事例凡官員貪酷者爲民才力不及
者酌量調用犯有贓私者提問的實追併
人官又查得通判楊肇知縣施呶先該巡
撫都御史熊汝達論劾該本部覆奉

欽依將施呶爲民楊肇提問訖查呈到部看得
巡按廣東監察御史楊標論劾前因欲要

將潮州府通判今陞江西臨江府同知楊肇石城縣知縣涂光裕革職提問惠州府通判陳廷觀廣州府通判呂希望惠來縣知縣施喟平遠縣知縣陳廷式罷斥高明縣知縣陸仁樂會縣知縣邵世光乳源縣知縣洪淇改教各一節除通判楊肇提問知縣施喟爲民已經奉有

欽依無容別議外爲照知縣涂光裕贓私狼藉固當提問通判等官陳廷觀等貪酷各有指實且有見行新例豈容止議罷斥及知縣陸仁等才力不堪委於地方無補相應一併酌擬合候

命下咨都察院轉行巡按御史將涂光裕陳廷觀呂希望陳廷式通行提究贓私下落照例追遣陸仁等起送赴部改授教職員缺各另銓補再照舉劾疏內不許濫叙陞任任淺已薦及殊語後繁冗等語已該本部題有嚴禁今御史楊標首叙知府李渭等

已經會疏保留及知府戴科等另本叅究等語實於禁例有違但念地方隔遠或出不知似應量加罰治以後如有明文到日故違者俱照新奉

欽依事理從重叅究等因隆慶四年八月二十七日題二十九日奉

聖旨徐光裕等着巡按御史提問具奏陸仁等依擬改教楊標姑罰俸一個月

議處督撫等官劉應節等薦舉違例疏該吏科署科事左給事中宋之韓等題稱總督薊遼都御史劉應節薦舉知府辛應乾等七員併保知縣邢玠又薦兵備副使孫應元等四員而僉事張廷弼亦與查得張廷弼邢玠歷俸不及一年巡撫順天都御史楊兆除正薦外復併薦邢玠巡按山西監察御史饒仁保薦副使蔡可賢僉事胡定歷俸方絕數月又保推官劉魯離任已將一年巡按河南監察御史楊家相薦

按察使吳道直陞任已踰一月又知府朱應時劉永寧陳廷芝俸深者既得薦列而同知張崇謙知縣馮桂芳任淺者亦得併薦凡若此類質之

明例俱屬有違乞將劉應節等或示罰治或行改調仍嚴行各撫按官凡有舉薦務遵近例不許冒濫以傷憲體等因奉

聖旨吏部知道欽此欽遵抄出送司查得薦舉太濫本部節行禁諭及議擬體式題行已久又將都御史吳時來陳其學題奉

欽依吳時來調外任陳其學罰俸節經通行遵依去後今該前因查呈到部爲照薦舉賢能有關陟明之典乃撫按官第一事况是

對

君之言尤須的確若不知而泛舉者謂之暗若知其不賢而濫舉者謂之欺近該本部節奉

聖旨撫按舉薦不許徇私市恩有乖憲體又經

罰調吳時來等舉薦太監又爲立定本式
通行曉諭事例昭然今督撫都御史劉應
節楊兆巡按御史饒仁傑楊家相乃將已
陞任按察使吳道直任淺副使蔡可賢僉
事張廷弼胡定同知張崇謙知縣邢玠馮
桂芳久離任推官劉魯等各列疏中夫濫
舉有禁

明旨甚嚴當舉不當舉審酌由已奉行

明旨又爲甚易而劉應節等乃敢明知故違可

已不已良由

朝廷懲罪之令不信於人撫按官市恩之私
浸入於骨其奉法之心不能奪其市恩之
念是故甘於犯禁而不顧也既經該科叅
劾前來若不究處則

朝廷法令終不能行合候

命下姑將劉應節楊兆饒仁傑楊家相重行罰
治以後敢有再犯者俱照吳時來例降調
外任本部仍移咨都察院轉行各處撫按

官務要查照先今題

准事例着實遵行不得仍前徇情樹黨自貽禍累庶使明揚不忒晉用可憑等因隆慶六年正月十八日題二十日奉

聖旨是濫舉市恩屢有明旨禁約劉應節等乃敢故違本當重究姑各罰俸三個月再有犯的照例降調

叅巡撫都御史何寬等舉劾違例疏
該提督軍務兼巡撫福建地方都察院右僉都御史何寬題稱奉

命巡撫福建二年于茲叨蒙陞任所轄藩臬方面官員例應舉劾謹爲

皇上陳之訪得按察司巡視海道副使熊倬才識短淺作事乖方所當改調延平府同知蕭端賁貪婪險酷播惡已深原任漳州府推官今陞廣西賓州知州梁大中巽悞庸才貪污縱肆南安縣知縣丘凌霄貪饕縱恣怨入髓骨此三臣皆素行不謹婪穢彰

聞所宜亟爲罷斥歸化縣知縣笄文魁怠弛昏庸所當降調等因又該巡撫大同地方贊理軍務都察院右僉都御史劉應箕題爲遵例舉劾防秋文職官員事訪得西路通判孫緒先年老行汙所當罷斥懷仁縣知縣蕭大謙才識庸凡所當改教等因又該巡撫南贛汀韶等處地方提督軍務都察院右僉都御史殷從儉題爲舉劾有司官員事訪得南雄府通判王柯年已暮齡志惟貪得上猶縣知縣呂元聲官守全虧志氣消沮此一臣貪汙不職所當罷斥歸化縣知縣笄文魁才力不及所當改教等因俱奉

聖旨該部知道欽此欽遵通抄送司查得本部見行事例凡官員貪酷者爲民不謹者冠帶閑住才力不及者酌量調用案呈到部看得巡撫都御史何寬劉應箕殷從儉各論劾前因除通判王柯已經題奉

欽依爲民無容別議外爲照副使熊倅舉動乖
張才識庸淺邊海重地委非所宜同知蕭
端賁貪酷險詐通判孫緒先年老貪縱知
州梁大中貪而罷軟知縣丘凌霄貪而酷
暴知縣呂元聲貪而剛愎知縣竄文魁科
罰太濫屢經訐告兩被論劾俱難復留知
縣蕭大謙才識雖庸操守未壞不可遽棄
旣該各巡撫官叅劾前來相應議處合候
命下將熊倅照不及例調用蕭端賁孫緒先梁
大中丘凌霄呂元聲照貪酷例爲民竄文
魁照不謹例冠帶閑住蕭大謙照不及例
起送赴部改教員缺各另銓補再照撫按
官薦舉事例先該本部題

准不許將陞遷任淺者一槩濫列薦中近該吏
科左給事中宋之韓叅處巡撫劉應節等
濫舉緣由又該本部覆奉

欽依移咨都察院轉行各撫按照依先今題
准事例着實舉行敢有違者本部與該科叅奏

降調通行去後今據巡撫何寬薦內僉事
王喬桂係任淺叅政熊琦僉事徐作知府
朱炳如知縣鄭淵係陞遷巡撫劉應箕薦
內僉事許希孟知府李遷梧通判惠之翰
知州康朴知縣雙鳳鳴岳汴係任淺巡撫
殷從儉薦內僉事王喬桂諸察知州建勳
係任淺律之

明例俱當降調但查各官上本之日在未奉新
旨之前似宜姑照劉應節等事例處分除何寬
已經巡按御史杜化中論劾覆題聽勘難
以再處外其劉應箕等合無姑免降調從
重罰治以後再有違者乃照新例叅

請發落等因隆慶六年二月初二日題初四日
奉

聖旨是熊俸着調用蕭端賁等都革職爲民筮
文魁冠帶閑住蕭大謙改教劉應箕殷從儉
既未奉新旨姑各罰俸三個月

掌銓題稿卷之二十終

國

掌銓

